

Na osnovu člana 293. stav (2) Statuta JU Univerziteta u Tuzli, uz prethodno pribavljeno mišljenje Ministarstva obrazovanja, nauke, kulture i sporta Tuzlanskog kantona broj: 10/1-38-023531-2/17 od 20.11.2017. godine, prethodno pribavljeno Mišljenje Upravnog odbora JU Univerzitet br: 04-7315-4.1/17 od 20.11.2017. godine i Odluke o davanju predhodne saglasnosti Vlade Tuzlanskog kantona broj: 02/1-38-023531-3/17 od 28.11.2017. godine, Senat Univerziteta u Tuzli, na sjednici održanoj dana 29.11.2017 godine, donosi

**AUTENTIČNO TUMAČENJE**  
**odredaba Statuta JU Univerzitet u Tuzli**  
**(broj: 03-730-1/17 od 03.02.2017. godine)**

1. Član 138. Statuta JU Univerzitet u Tuzli po svom naslovu obrađuje materiju izbora i razrješenja prodekana, a da pri tome u samoj sadržini ne obrađuje postupak razrješenja niti razloge. Kako su odredbe člana 142. stav (1), (2) i (3) Statuta u suprotnosti sa članom 68. stav (10) Zakona o visokom obrazovanju („Službene novine Tuzlanskog kantona“, broj: 7/16,10/16, 5/17 i 15/17), to će se na postupak razrješenja prodekana direktno primjenjivati odredba Zakona, te odredba člana 138.stav (1) i člana 142. stavovi (4), (5) i (6) Statuta.

2. U odredbi člana 240. stav (3) Statuta JU Univerzitet u Tuzli pod tekst „završen stepen drugog ciklusa (magisterij) iz odgovarajuće naučne oblasti ili područja“ ima se smatrati završen drugi ciklus (magisterij) za kojeg komisija za pripremanje prijedloga za izbor u saradničko zvanje višeg asistenta utvrdi da po svom sadržaju odgovara naučnoj oblasti ili području za koju/e je u konkretnom slučaju raspisan konkurs za izbor u saradničko zvanje višeg asistenta.

2.1. U istom članu 240. stav (5) Statuta JU Univerzitet u Tuzli dio teksta „po datom redoslijedu“ podrazumijeva da komisija za pripremanje prijedloga za izbor u zvanje višeg asistenta primjeni navedene kriterije na način da se prvo primjeni kriterij visina prosječne ocjene na postdiplomskom/drugom ciklusu studija.

Za slučaj da dva ili više kandidata ostvare istu prosječnu ocjenu, komisija će primijeniti drugi od navedenih kriterija, odnosno broj objavljenih naučnih i stručnih radova i to na način kako je to definirano odredbom člana 254. stav (1) tačke a), b), c), d), e), f) i g) Statuta JU Univerzitet u Tuzli.

Ukoliko i po ovom kriteriju kandidati ostvare isti broj bodova, komisija će primijeniti naredni po redoslijedu, kriterij pokazana sklonost za nastavni i naučno-istraživački rad, pri čemu će pokazanu sklonost za nastavni rad cijeliti u skladu sa odredbom člana 254. stav (1) tačka m), s tim da se kandidatu učešće u nastavnom procesu u toku jedne akademske godine može vrjednovati samo ako je bio angažiran u nastavi tokom cijele akademske godine, odnosno u oba semestra, a pokazanu sklonost za naučno-istraživački rad u skladu sa odredbom člana 254. stav (1) tačka h) Statuta, pri čemu se kandidatu koji ima učešće u više projekata naučno-istraživačkog tipa, po ovom kriteriju za učešće u svim projektima može dodijeliti kao maksimalan broj bodova koji je propisan datom odredbom.

Ukoliko i po ovom kriteriju kandidati ostvare isti broj bodova, komisija će primijeniti kriterij poznavanja jednog svjetskog jezika najmanje srednjeg nivoa, uzimajući u obzir nivo poznavanja tog jezika.

**3.** U odredbi člana 240. stav (9) Statuta dio teksta „po datom redoslijedu“ podrazumijeva da komisija za pripremanje prijedloga za izbor u zvanje asistenta primjeni kriterije na način da se prvo primjeni kriterij visina ukupne prosječne ocjene.

U slučaju da dva ili više kandidata ostvare istu ukupnu prosječnu ocjenu, komisija će primijeniti drugi od navedenih kriterija, odnosno visinu prosječne ocjene iz uže naučne oblasti/katedre/nastavnog predmeta na koju/i se kandidat bira.

Ukoliko i po ovom kriteriju kandidati ostvare isti broj bodova komisija će primijeniti kriterij dužina studiranja.

Ukoliko i po ovom kriteriju kandidati ostvare isti broj bodova, komisija će primijeniti kriterij pokazani smisao za istraživački rad u skladu sa odredbama člana 254., stav (1) tačka h) Statuta, pri čemu se kandidatu koji ima učešće u više projekata naučno-istraživačkog tipa po ovom kriteriju, za učešće u svim projektima može dodijeliti maksimalan broj bodova koji je propisan datom odredbom.

Ukoliko i po ovom kriteriju kandidati ostvare isti broj bodova, komisija će primijeniti kriterij poznavanje jednog svjetskog jezika najmanje srednjeg nivoa, uzimajući u obzir nivo poznavanja tog jezika.

Ukoliko i po ovom kriteriju kandidati ostvare isti broj bodova, komisija će primijeniti, po istom principu i preostale kriterije.

**4.** Ovo autentično tumačenje predstavlja integralni tekst Statuta i primjenjuje se od dana stupanja na snagu Statuta JU Univerzitet u Tuzli, broj: 03-730-1/17 od 03.02.2017 godine.

**UNIVERZITET U TUZLI**

**Broj: 03-7540-1/17**

**Tuzla, 29.11.2017. godine**

**PREDSJEDAVAJUĆI SENATA**

**Dr. sc. Nermina Hadžigrahić, red. prof.**